

**Қазақстан Республикасы Үкіметінің 1998 жылғы 9 шілдедегі N 651 қаулысына өзгерістер енгізу туралы**

*Күшін жойған*

Қазақстан Республикасы Үкіметінің қаулысы 2001 жылғы 17 тамыз N 1075. Күші жойылды - Қазақстан Республикасы Үкіметінің 2009 жылғы 19 қыркүйектегі N 1411 Қаулысымен

*Ескерту. Қаулының күші жойылды - ҚР Үкіметінің 2009.09.19. N 1411 Қаулысымен.*

"Бәсеке және монополистік қызметті шектеу туралы" Қазақстан Республикасының 2001 жылғы 19 қаңтардағы Z010144\_ Заңына және "Жергілікті қаржы органдары туралы" Қазақстан Республикасы Үкіметінің 1999 жылғы 6 шілдедегі N 934 P990934\_ қаулысына сәйкес Қазақстан Республикасының Үкіметі қаулы етеді:

1. "Қазақстан Республикасы Президентінің 1998 жылғы 27 сәуірдегі N 3928 U983928\_ Жарлығын іске асыру туралы" Қазақстан Республикасы Үкіметінің 1998 жылғы 9 шілдедегі N 651 P980651\_ қаулысына (Қазақстан Республикасының ПҮКЖ-ы, 1998 ж., N 22, 190-құжат) мынадай өзгерістер енгізілсін:

1) көрсетілген қаулымен бекітілген Мемлекеттік органдардың ақылы қызметтер көрсетуінің тәртібінде:

2-тармақ мынадай редакцияда жазылсын:

"2. Мемлекеттік органдар көрсететін ақылы қызметтер бәсекелестікті қорғау және монополистік қызметті шектеу жөніндегі уәкілетті орган мен оның аумақтық бөлімшелері (бұдан әрі - монополияға қарсы органдар) жүргізетін Мемлекеттік органдар көрсететін ақылы қызметтердің мемлекеттік тіркеліміне енгізілуге тиіс." ;

3-тармақтың 3) тармақшасы мынадай редакцияда жазылсын:

"3) ұсынылатын қызметтердің монополияға қарсы органдар бекіткен, тиісінше Қазақстан Республикасының Қаржы министрлігімен және жергілікті бюджеттен қаржыландырылатын облыстардың, Астана мен Алматы қалаларының қаржы органдарымен келісілген бағалары;" ;

2) көрсетілген қаулымен бекітілген Мемлекеттік органдардың қызмет көрсетулері үшін ақы белгілеу мен оның мөлшерін айқындаудың тәртібінде: мәтіндегі "уәкілетті органдарға", "уәкілетті органдар", "уәкілетті органдардың", "уәкілетті органның" деген сөздер "монополияға қарсы органдарға", "

монополияға қарсы органдар", "монополияға қарсы органдардың", "монополияға қарсы органның" деген сөздермен ауыстырылсын;

2 және 3-тармақ мынадай редакцияда жазылсын:

"2. Мемлекеттік органдар көрсететін қызметтер бағаларын бәсекелестікті қорғау және монополистік қызметті шектеу жөніндегі уәкілетті орган немесе оның тапсыруы бойынша, оның аумақтық бөлімшелері (бұдан әрі - монополияға қарсы органдар) бекітеді және тиісінше, Қазақстан Республикасының Қаржы министрлігімен және жергілікті бюджеттен қаржыландырылатын облыстардың, Астана мен Алматы қалаларының қаржы органдарымен келісіледі.

3. Мемлекеттік органдар көрсететін ақылы қызметтер монополияға қарсы органдар жүргізетін, Мемлекеттік органдар көрсететін ақылы қызметтердің мемлекеттік тіркеліміне енгізілуге тиіс.";

12-тармақ мынадай редакцияда жазылсын:

"12. Ақылы қызметтер көрсету бағаларына енгізілетін еңбекке ақы төлеуге жұмсалатын шығыстарды есептеу кезінде қызметкерлердің нақты, бірақ нормативтен аспауға тиіс саны ескеріледі.

Мемлекеттік органдар көрсететін қызметтерге қызметкерлердің нормативтік саны мен еңбек шығынының (уақыт, еңбек сыйымдылығы) нормативтері, тиісінше, Қазақстан Республикасының Еңбек және халықты әлеуметтік қорғау министрлігімен және жергілікті бюджеттен қаржыландырылатын облыстардың, Астана мен Алматы қалаларының еңбек, жұмыспен қамту және халықты әлеуметтік қорғау органдарымен келісіледі.";

3) көрсетілген қаулымен бекітілген Мемлекеттік органдар қызмет көрсететін ақылы қызметтердің мемлекеттік тіркелімін жүргізудің тәртібінде:

мәтіндегі "уәкілетті органдарға", "уәкілетті орган" деген сөздер "монополияға қарсы органдарға", "монополияға қарсы орган" деген сөздермен ауыстырылсын;

4-тармақ мынадай редакцияда жазылсын:

"4. Тіркелімді бәсекелестікті қорғау және монополистік қызметті шектеу жөніндегі уәкілетті орган мен оның аумақтық бөлімшелері (бұдан әрі - монополияға қарсы органдар), тиісінше, Қазақстан Республикасы Қаржы министрлігінің және жергілікті бюджеттен қаржыландырылатын облыстардың, Астана мен Алматы қалаларының қаржы органдарының келісімі бойынша қалыптастырады және бекітеді."; 6-тармақ мынадай редакцияда жазылсын: "6. Тіркелім республикалық және жергілікті бөлімдерді қамтиды. Тіркелімнің республикалық бөлімі бәсекелестікті қорғау және монополистік қызметті шектеу жөніндегі уәкілетті орган басшысының бұйрығымен, Тіркелімнің жергілікті бөлімдері - оның аумақтық бөлімшелерінің бұйрықтарымен бекітіледі.". 2. Осы қаулы қол қойылған күнінен бастап күшіне енеді. Қазақстан Республикасының

Премьер-Министрі Мамандар: Багарова Ж.А. Қасымбеков Б.А.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК